

續刻道藏輯要卷四

純陽詩集

新津彭一清乾陽校正

七言七首

渠縣王妙生雲朋重刊

北極居辰御太空默然旋運疾如風四時代謝成天道萬象
森羅妙不窮此即一中分造化更從何處問真工修行但自
天心覓功就成仙可跨龍

雲霞天際鶴聯翩宴慶蓬萊集眾仙壺內長春凝玉液池中
初夏現金蓮丹砂一服超凡藥花甲千週不記年笑指還家
端的路山頭明月正高懸

斗樞默運見天心火令初週氣返金山上月生方產藥洞中

道藏輯要

卷四

純陽三書

一

室集八

風細始鳴琴虎降猿性千重密龍養珠胎萬丈深這個市朝
都做得何須避世入山林

金爐香篆半空浮仙客乘風月下遊不向人間論歲月但從
天外度春秋千年丹熟飛霄漢一偈玄言在簡緝此日共君
相笑語端知他日出瀛洲

勿笑人間禍福多蒲團靜坐意如何任他滄海頻更變獨抱
陽生養太和過去未來同現在三心起滅是羣魔只將這個
光明主掃蕩無塵伏太阿

神仙有路在塵寰不必求尋三島閒內煉身心成至藥外將
砂汞養金丹由凡人聖稱真土從濁流清號大還分明只在

些些訣何事人間學術難

金丹不是等閒傳千劫方傳度世賢
爐中造化全憑火鼎內生涯却賴鉛質
超重濁黃芽產神結輕清白雲玄天地三才
靈妙備吞將一粒証天仙

五言四首

靈境誰來往白雲滿地行清虛人事少
寂靜道心生高殿談玄語眞壇講法聲
丹竈一星火經過幾千正

神仙修煉法个裡趣無窮至藥生三寶
眞機在一中坎離從此合龍虎自相從
玄牝一以立胎胚老變童

道授眞玄秘圖居大寶靈鳳飛冲漢
漠龍化出淵溟八卦陰

道藏輯要

卷四 純陽三書

二

室集八

陽合三才風氣凝豫章修煉士何處訪蓬瀛

薰風搖竹影日色轉花陰時序催流水蒲團拾道心
坎離分水火庚甲見浮沉莫論天仙事還從水裡金

絕句八十一首 七言

混沌一團幾大圈此中消息孰知玄
陰陽開闔無窮妙包盡先天與後天

乾坤包道道居中道包天地道無窮
要識無窮歸一竅此中眞是道之宗

先天一炁伏玄關要覓玄關不等閒
不離身中眞造化一些些內是仙竇